

續金華叢書



續金華叢書



少室山房類藁卷三十一

續金華叢書

漱水胡應麟明瑞著

五言律詩八十一首

西山十詠同陳沈二太史黎秘書楊祠部丘計部李環衛朱光祿安茂才童康鄧朱四山人作

晚至碧雲寺

梵刹金銀布花香繞碧欄斷崖交檜柏飛瀑洒琅玕霞起天台暮雲生嶽麓寒鐘聲似迎客時出遠林端

香山寺飯初上人禪院

梵閣千尋起瑠壇一徑斜僧歸迷翠嶽客至掃青霞竹裏分香積松間轉法華遙看層砌上縹緲墮天花

玉泉

飛流望不極縹緲掛長川天際銀河落峯頭玉井蓮波光迴太液雲氣引甘泉更上遺宮頂干林起夕烟

功德寺望景陵

宣皇游幸日干騎轉晴沙殿繞驪山樹窗開綉嶺花星辰留御輦雲霧鎖仙槎北望龍蟠氣飄飄想翠華

登碧霞宮閣

檻立孤峯上窗開萬嶺西霞光流紫極日影抱丹梯綺樹三春長金芝五色齊蓬萊宮殿裡笙鶴舊曾攜

玄真觀

萬山蒼翠合流水晚瀟瀟霧裡瑤臺出雲中絳節朝桃花開絕澗松影落層霄時聽羣仙度天風引玉簫

秋日同諸子登望湖亭

殿隱芙蓉外亭開薜荔中山光寒帶雨湖色淨連空作賦攜詞客行歌伴釣翁夕陽沙浦遠鳧鴈起秋風

小憇圓通寺題

說法聞初地題名到上方砌幽松子落木遠柴聲長夜雪飄山磬秋

雲洒石牀坐來千嶂裡
嵐翠滿衣裳

洪光寺聽真上人誦經作

地入空王宇山藏釋子筵
白雲流五岳清壁俯諸天
象外煙花麗空中色界懸
爲將忘世念一誦法華篇

宿翠岩寺

晨風遙策杖夕露幾沾衣
禮佛青山塔逢僧白石扉
懸蘿山鳥集亞竹水螢飛
爲愛西窗宿泉聲出翠微

仲秋同祝鳴臯諸文學再遊西山得詩四首

天壽山謁諸陵

紫殿衣冠肅玄宮劒壘遙
天廻羣后集地迴百靈朝
文字垂羲畫聲歌咽帝韶
萬年沾洒處寒雨動青霄

湖上

積水湖天合冷泠帝闕西
逶迤雲色淨掩映日華低
鳳吹臨高岸龍舟出大堤
桃花源咫尺洞口夕聞雞

遊玄真觀

積翠三天迴飛梁百尺橫星河浮玉砌雲霧攬金莖羽客青泥飯仙人亦石英何年生羽翼塵外訪蓬瀛

攜尊翠微閣晚坐

振錫干林暮移尊片月秋不辭青嶂遠聊共白雲遊洗鉢花臺靜懸燈竹逕幽朝來挈小朗乞食向牛頭

答李惟寅病中見寄

豈是趨朝懶風塵損壯顏閉門芳草合高枕白雲閑柳色溪南棹鶯聲郭外山遙恰作賦客魂夢屢躋扳

題朱山人汝修卷

石磴煙雲起仙源費獨尋碧山玄晏宅滄海尙平心歲月留斑管陽春抱玉琴幾年嵩洛思傍爾一開襟

丘謙之招遊崇善寺分得雲字

竹院名香起花臺積翠分雙松寒挂雪一榻晚生雲畫想滄州迹經

傳白馬文平生許玄度何事戀人羣

康裕卿山人移居

燃桂生涯盡飛蓬
旅迹多地偏餘水
石鄉遠隔關河夜
帳悲猿鶴春
山怨薜蘿蕭條剡
溪宅風雪近誰過

送人還秣陵

獻書辭北闕
仗劍出西京
落日滄江遠
孤帆萬里征
煙霞淮口寺
風雨石頭城
別後相思處
關山候鴈鳴

春日送人之劍南二首

大澤冰初解
長途雪正晴
孤帆送爾去
千里獨含情
竹翳湘妃館
花明蜀帝城
當壚人好在不
淺舊逢迎

其二

蜀道難猶昨
湘潭去若何
青天浮灩澦
白雪湧岷峨
宅問楊雄隱
堂攜杜甫過
錦官城外路
翠柏幾婆娑

送吳廣文之嶺南

寂寞青瑣地何當事遠遊問人還劍浦尋雪上羅浮海岸飛花盡蠻
天落木愁粵臺時眺覽萬里見高秋

渡江望金陵官闕四首

望望吳天迢迢越客來萬山京口立孤舶海門開蜃噏風雷起龍
吟日月迴鳳城迴首處佳氣滿蓬萊

其二

上國堪萍梗長江動旅愁天浮楊子樹日照廣陵舟駕浪竈鼉語飛
空蜃鱷遊五雲看咫尺臺殿擁神州

其三

紺宇三山近皇畿萬堞遙雲藏佳麗國地拱聖明朝玉輦扶雙鳳金
甌奠六鰲秦淮今夜月愁倚木蘭橈

其四

搖落江天上秋風度李膺乘槎眞汗漫擊楫豈飛騰紫氣扶天闕
曉霞拱孝陵鍾山舊遊地夢繞白雲層

金山

兀立江心寺芙蓉萬古看孤峯留杖錫絕嶠鎖闌干碧湧高天浪青
浮大海瀾妙高臺上客日暮轉盤桓

焦山

何年雲霧裡卧此少微星地擁幽人宅天藏處士靈一峯齊北固雙
井象中冷向暮風濤起誰尋瘞鶴銘

夜同裕卿話舊

萬里相逢日那能不黯然移家當暮雪行乞傍寒烟賦豈三都後心
猶五岳前向來溪水曲頻繫子猷船

答文父見懷之作

不見江西客相望鬢欲絲十年滄海夢千里碧雲思寥廓南華論飛
揚左尉辭但令龍劍合那復問雄雌

紅雲塢

幾夜瑤臺上移來十畝春籠烟千樹密照水萬花新環珮堪留阮衣

冠不避秦扁舟如可再吾此謝迷津

病中文父過訪兼攜近作見示二首

豈謂伊人至能令倦客狂千秋誰陸謝一逕且求羊夜色青藜短秋聲白苧長朝來還奏賦不擬步長楊

其二

逕逕風雪裏對語欲忘眠爾擅遊梁賦余慙入洛年天浮鷓鴣影城繞鳳凰煙何限金莖色相期漢苑前

聞大參滕公擢任嶺南有寄二首

鼓角炎荒外旌旗大海傍九霄懸龍渥萬里借翱翔郡古羅浮雪天空粵嶠霜祇因將雨露沾洒盡扶桑

其二

五嶺看乘傳干峯引珮刀春隨南極迴雲擁太微高霧縷先移瘴溼鯨已息濤獨憐吳越士泪滿別時袍

送劉從事之成都

翩翩遊客旆去指蜀門斜夜宿巫山雨朝行劒閣霞古碑丞相廟蔓
草拾遺家駟路留題滿頻將寄海涯

寄沈山人嘉則二首

異代看黃綺明時更許巢乾坤長作客湖海半論交卧憶鯢鵬起吟
從蠓蜓嘲玄亭奇字遍吾夢亦衡茅

其二

四海聞高適中林得阮咸岳雲依短屐山雪洒長鏡夢斷真千里書
空漫百函何當明月夜一試剡溪帆

嚮計借聞嘉則以詩寄余未獲

寄李本寧督學二首

自失華陽社長懷渭水濱傳聞秦博士猶借漢詞臣絃誦干花色襜
帷萬柳塵若過中壘宅藜火定誰親

其二

聞道三秦使煙花夾道看天高捫太華日近倚長安散吏趨經幄諸
生侍講壇上林應有賦時寄五雲端

寄汪仲淹伯仲

二仲何爲者翩翩鄴下流
白雲裁楚服明月攬吳鉤
並握楊雄草長陪謝傅遊
碧山空咫尺魂夢使人愁

寄汪獻子

自返金陵客何方定卜居
七哀應著咏孤憤蚤成書
卧榻芙蓉在衡門薜荔餘
碧雲懷望久一悵剡溪魚

過吳門不及訪弇州王公寄懷十首

屈指中原業誰登大將臺
千秋王粲起一代之長來
日遠龍樓夢天留兔苑才
吳閭雲霧裡相望首重回

其二

逸駕開元上雄風正始鄰
雲霄誰北斗天地此陽春
作賦三都客傳詩四海人
未應雙劍老雷電起延津

其三

諭蜀傳司馬還吳憶士龍
萬峯吟薜荔一逕把芙蓉
月落千將倚雲

飄太乙從異時成握手白眼坐高春

其四

渺邈違芝宇風流憶草堂藍田聊卜築綠塹塹浮觴日避長灰色天
回大酉藏十年翹首地葭莢倍蒼蒼

其五

虎觀才俱屈雞林望轉高干言無彩筆片諾有緜袍夢隔蓬丘樹吟
殘閬苑桃何年攜手遂相對咏離騷

其六

曳杖辭三島投簪傍五湖九丘窮倚相片語失潛夫鶴唳天門遠鵬
搏海色孤近來秋興劇散髮卧菰蘆

其七

日月回真想乾坤入夢遊曉風吳苑展寒雨石湖舟匣底雙龍卧毫
端萬象愁亦知三逕好咫尺負羊求

其八

北嶺山房雜錄三十一
貝錦看如昨牛衣卧轉深洞庭寒濯足林屋遠論心落日天邊氣浮
雲海上吟吳王臺北望作者自如林

其九

此日雲門笠平生漢殿冠一時誰把袂萬古獨登壇岳色崆峒曉河
流砥柱寒尚思燕北社風雨動長安

其十

帝惜懸車蚤人看杖鉞雄青山鄖子國白雪楚王宮杜甫名差著靈
均曲未工峴臺遺跡在千古擅流風

寄張茂才

聞道安仁髻秋風半欲華青囊猶隱市白帟屢移家竺色三天雨湖
光萬岫霞絕憐揮袂日相對武林花

贈顧上人

歲歲遊天姥經秋住越臺萬山靈隱錫斜日海門杯出定逢花雨傳
燈悟劫灰何因借爾去結宇卧飛來

送周少參督師還楚

萬舫通淮泗，雙旌傍海涯。
籌邊王相國，經世賈長沙。
霧擁春臯珮，雲停野廟花。
遙看下車日，題詠遍章華。

哭童山人子鳴二首

海岳誰高蹈，丘園有獨醒。
下帷頭自白，避俗眼長青。
日慘延州碣，風寒鄭圃靈。
夜臺人近遠，徙倚少微星。

其二

石戶真高隱，雲卿此後先。
一家猶紫閣，萬恨已黃泉。
禪岳無遺草，藏山有太玄。
向來攜手地，悽絕子期絃。

寄戚總戎

聞道嫖姚將，提兵大漠間。
旌旗行漢壁，鼓吹出秦關。
白日雙鵬下，黃雲萬騎閑。
時同投筆吏，逐虜過天山。

懷歐楨伯博士

藉甚中原譽，浮沈異代踪。
青衿聊宦轍，絳帳自儒宗。
今日華陽筑，高

天漢殿鐘祇園春草外猶記昔相逢

送王山人遊秦中

斗酒山城暮東風悵別離天青遊華日地紫入關時博望千年苑昆
明萬古池平生飛動興合遣杖藜知

送張茂才北上

燁燁張公子乘軺意氣新萬言看謁帝千里獨寧親柳折長安暮花
吟太液春寄言關外吏能識棄繻人

夏日同諸子宴郭鴻臚池亭分韻得涼字

背日山堂午含風石逕涼閒來松桂下各把芰荷觴地稱南州隱天
容北海狂坐深漁唱發白眼對滄浪

寄徐大參

西署初廻轍南天復擁符飛芻傳九塞轉餉出三吳海色搖冠珮江
雲照舳艫不堪攜手夢明月洞庭孤

秋日送陳山人還江右賦得廬山瀑布水

萬丈廬山瀑經行照客衣
晝看銀海立晴望玉虹飛
激浪迴丹壑分流出翠微
憑誰喚匡俗一酌共忘機

寄方山人

憶爾辭家久秋高客况增
帆當鄱水挂屐遍楚山登
夜宿隨沙鳥朝吟伴岳僧
九疑風雪外何處弔黃陵

送艾都閩督餉淮上

九邊芻輓急飛將豈辭勞
獨坐黃龍舸長驅白路濤
江花明綉艫海日擁征袍
橫槩風流在遙天佇彩毫

贈弘上人

昔事崔羅什今逢帛道猷
存思馴象下漱齒毒龍愁
衲綻三天雪杯懸萬里流
吳中四百寺煙雨遍曾遊

送天台二僧還西域

挂錫同霞嶠歸帆並海涯
雲侵秦磧遠路轉蜀臺斜
翠竹空中相青蓮定裏花
誰知雙大士持鉢渡流沙